

Увд белдвриг хурдар дуусхмн

Приозерн районо хөбчир бий дееран авси социалистическ даалгъван йилгъан саянар кучав. Государствд ноос өгх зурагъан болзгаси өмн дуусв. Государственн пунктд 5889 центнер ноос күргдж өгв, эс гидж зурагъан 101,3 процент кучав.

Хөбийс икар ноос киргъдж авхин төлө „Приозерный“ совхозин (директорнь ур Иванов Д.С., парторганизацин секретр ур Чурюмов С. С.) хөбчир болн цуг кӱдлмшчир йир килмджан огч кӱдлцхав. Энджл эн совхоз государствд 1200 центнер цевр сан ноос өгв. Зурагъар болхла совхоз 975 центнер ноос өгх баясми. Ганцки государствд өгсн нооснаси совхоз 1,5 сай арслнь мӱнӱг ору авб.

Йилгъан саянар кӱдлдж йовх ах хөбчир уурмуд Киселев И.С., Шевенов С.Ш., Дрижиков К.М., Волчков З. В. болн нань чигн хөбчир халадж, асрдажх хөбдасн гару уга, саянар харуудж, услдж болн хот хоолинь цаглань өгч, сан идгта газрар идшлудж йовси учр деерас, хөбдинчинан йир сан, дакад киргъдж авси нооснь цевр болн ик болв. Улгурлхд, ах хөбч ур Киселев дундлад хон болгънас 5,8 килограмм, Шевенов, Дрыжков, Волчков болн нань чигн хөбчир хон болгънас дундлад

5—5,5 килограмм цевр сан ноос киргъдж авцхав.

Ода эн совхоз намрар киргъх шурун нооста хӱд болн эрт хаврар гарси сагсг хургъд киргългъна кӱдлмш эклчкв.

„Сарпа“, совхоз бас сан узмдж кучв. Эн совхозин цуг хөбднь торгън нооста хӱд. 1956 джилд дундлад нег хөбнас 5,5 килограмм ноос киргъдж авси болхла, эн джил хон болгънас 6,5 килограмм ноос киргъдж авб. Государствд зурагъар 1700 центнер өгх баясн болхла совхоз 2000 центнер цевр ноос оруудж өгв. Тер өгсн нооснаси хойр сай арслнь мӱнӱгнӱ ору авб.

Района цуг совхозмуд мал увлзуллгъна белдвриг эклдж шилгдж кедж йовцхана. Ода цуг совхозмудар 30 миньгън тонн өвси белдчкси баяна. Нидик джилас улси өвсгӱгъинь тоолхла, совхозмуд өвсар болн соломар 80—85 процент тетгдв. Ода кӱк хулс хадж авцацхана. Мал увлзулх газрур өвс, соло болн нань чигн хог-хоолинь зӱбдж, бел кеджацхана. Малин хогхол белдӱ йовдж, мал увлзх хаша-хааце болн нӱдир хӱзиг искусственин кӱг тавлгъна кӱдлмш дегцдан кегддж йовна.

„Ергининский“, „Приозерный“ болн „Сухогинский“ совхозмудар малд хог белдлгъна

кӱдлмшиг йир сан бурдмдж-тагъар кедж йовцхана. Мал увлзуллгънд белдвр кеджӱх сара кӱдлмшин эргид 10.000 тонн өвс хадж, хурадж, тер хураси өвсан мал увлзх газрур зӱбдж хураджацхана. Эн кӱдлмшт өмнӱкӱси хойр холван ик амтн кӱдлдж йовна.

Района совхозмудар зуугъад гар улс малин хаша-хааце тосхлгънд болн малчир баӱх гермуд барлгънд кӱдлдж йовцхана. Болв зуг эн тосхлтин кӱдлмш модар, тоосхар, хадасар, нань чигн тосхлтин эрки кергта юмсар муугъар тетгдджана. Эн учрар тосхлтин кӱдлмшин йовуд баргддж баяна. Улгурлхд, цуг совхозмудар эрт хаврар хӱд хургълулхин кергт шинас 48 дулан кошармуд барх баясми, болв эн кӱдлмш кучагдӱд уга. „Приозерный“ совхозин хойрдгч болн гурвдгч фермсӱр баӱх кошармуд гурвнь ода бийнь хамхрха баягъа.

Мал увлзх хаша-хаацисиг яслгъна болн шинас тосхлгъна кӱдлмш районо наадк совхозмудар бас хашньгар кегдджана. Совхозмудин гардачир болн таньгъчин селана эдлахун управлень эн кӱдлмшт оныган хурдар өгх зӱвтӱ, тер цагт мал увлзуллгънд белдвриг саянар дуусдж болхмн.

Ф. ЯШКИЛЕВ.